

totum predictum regnum vel maiorem eius partem, cui minor non possit resistere, adquisierit, vel si forte quod absit illud acquirere non poterit et de hoc liquido constiterit, senatum omnino dimittet, illum ex tunc per se vel per alium nullatenus resumpturus¹ nec procuraturus quomodolibet, quod senatum ipsum quivis alius perpetuo ad vitam habeat aut quod ad illum aliquis etiam usque ad certum tempus absque licentia Romani pontificis assumatur.

(3)^a Item quod dabit operam bona fide, ut idem senatus ad dispositionem et ordinationem Romane ecclesie revertatur, cives scilicet Romanos ad hoc, sicut melius et honestius poterit, inducendo.

(4)^a Item quod, dum senatum tenuerit, nichil scienter in terris ipsius ecclesie, demaniis scilicet et feudis, in eiusdem ecclesie vel suorum preiudicium faciet contra ecclesiam ipsam et ecclesiasticam libertatem, et si ipse vel sui quicunque tale fecerint, id sine more dispendio revocabit^b.

(5)^a Huiusmodi autem iuramentum prestabit idem comes [in] presentia fidedignarum personarum, quarum tres vel due ad minus sint pontificali predite dignitate, dabitque super hiis, videlicet super iuramento et promissione huiusmodi, duas patentes litteras sigillis tam suo quam huiusmodi trium vel duorum pontificum sigillatas, in quibus utique litteris nomina personarum, coram quibus huiusmodi iuramentum prestabitur, exprimentur, ac se nichilominus per easdem litteras obligabit ad infrascriptas penas, quas incurrat, si contra promissa vel eorum aliquod fecerit, videlicet quod preter² reatum periurii, quod incurret, eo ipso idem excommunicationis et terra sua ubilibet constituta interdicti sententiis subiaceant; quas utique sententias, si dictus comes per mensem sustinuerit, eo ipso cadat a iure senatus et, si postea de facto senatum tenere contenderit seu intromiserit se de illo, cadat similiter eo ipso ab omni iure, quod erit ei^c in regno Sicilie acquisitum.

Duplicentur autem huiusmodi littere ad cautelam propter viarum discrimina et sic duplicata assignentur dilecto filio nostro S(imoni) tituli sancte Cecilie presbitero cardinali apostolice sedis legato, si presens fuerit^d, vel alii persone, quam ad hoc duxerimus deputandam, ita quod earundem datarum altere deferantur vel mittantur ad nos et relique nostro et ecclesie Romane nomine in aliquo certo loco fideliter deponantur inibi ad opus nostrum et ipsius ecclesie conservande.

Rückwärts: De comite Provincie. Condiciones.

a) Paragraphzeichen im Or. b) 'et si — revocabit' über der Zeile.
c) 'ei' über der Zeile. d) 'ap. sed. leg. si presens fuerit' über der Zeile.

1) 'resumpturus' in I, S. 581 Z. 18. 2) Die ganze folgende Stelle in I, S. 581 Z. 20 — 25.